

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Sužbene novine Zeničko-dobojskog kantona“, broj: 7/10), na prijedlog Ministarstva za pravosuđe i upravu, Vlada Zeničko-dobojskog kantona, na 110. sjednici, održanoj 14.09.2017. godine, d o n o s i

ZAKLJUČAK

I.

Utvrđuje se Nacrt Zakona o Kantonalnom tužilaštvu Zeničko-dobojskog kantona.

II.

Nacrt Zakona iz tačke I. ovog zaključka upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-*124* 29/17.
Datum, 14.09.2017. godine
Zenica

DOSTAVLJENO:

1x Ministarstvo za pravosuđe i upravu,
1x Stručna služba Skupštine,
1x a/a.



N A C R T

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona, na ____ sjednici, održanoj ____2017. godine, d o n o s i

ZAKON O KANTONALNOM TUŽILAŠTVU ZENIČKO-DOBOJSKOG KANTONA

DIO PRVI - OPĆE ODREDBE

Član 1. (Predmet)

Ovim Zakonom uređuju se pojam, opšte nadležnosti i funkcije Kantonalnog tužilaštva Zeničko-dobojskog kantona (u daljem tekstu: Tužilaštvo), organizacija, rad, izvještavanje, unutrašnja organizacija i finansiranje Tužilaštva.

Član 2. (Kantonalno tužilaštvo)

Tužilaštvo je samostalno državno tijelo koje, u okviru prava i dužnosti Zeničko-dobojskog kantona (u daljem tekstu: Kantona), poduzima zakonom određene mjere u pogledu istražnih radnji i gonjenja osoba za koje se sumnja da su počinile krivična djela, te vrše druge poslove određene federalnim i kantonalnim zakonom.

Član 3. (Sjedište)

Sjedište Tužilaštva se nalazi u Zenici.

Član 4. (Osnivanje)

Tužilaštvo se osniva i ukida zakonom.

Član 5. (Obilježja tužilaštva)

- (1) Tužilaštvo ima pečat u skladu sa Zakonom o pečatu Kantona Zeničko-dobojskog kantona.
- (2) Na zgradi u kojoj je smješteno Tužilaštvo mora biti istaknut naziv Tužilaštva, i grb Federacije Bosne i Hercegovine (u daljem tekstu: Federacija) i Kantona.

Član 6. (Jezici i pismo)

- (1) U Tužilaštvu su u ravnopravnoj upotrebi bosanski, hrvatski i srpski jezik.
- (2) U Tužilaštvu su u ravnopravnoj upotrebi latinično i ćirilično pismo
- (3) Tužilaštvo može koristiti i ostale jezike kao sredstvo komunikacije.

DIO DRUGI – OPŠTE NADLEŽNOSTI I FUNKCIJE

Član 7. (Nadležnost)

Tužilaštvo vodi istragu i goni osobe za koje sumnja da su počinili krivičnih djela i vrši druge poslove određene federalnim i kantonalnim zakonom.

Član 8. (Pravni osnov)

Tužilaštvo vrši svoju funkciju u skladu sa Ustavom Bosne i Hercegovine, Ustavom Federacije i Ustavom Kantona, te na osnovu zakona Bosne i Hercegovine, Federacije i Kantona.

Član 9. (Zaštita ljudskih prava)

U okviru svojih nadležnosti Tužilaštvo štiti ostvarivanje ljudskih prava i građanskih sloboda koje garantira Ustav Bosne i Hercegovine, Ustav Federacije i Ustav Kantona, kao i ostvarivanje prava i interesa pravnih osoba utvrđenih zakonom, te osigurava ustavnost i zakonitost.

Član 10. (Pravno sredstvo protiv izvršne sudske odluke)

- (1) Kad nađe da zbog povrede kantonalnog zakona ili međunarodnog ugovora postoje osnovani razlozi da upotrijebi pravno sredstvo protiv izvršne sudske odluke ili odluke donesene u upravnom ili drugom postupku, glavni kantonalni tužilac može zahtijevati da se odloži, odnosno prekine izvršenje takve odluke, ako bi njenim izvršenjem mogle nastupiti neotklonjive štetne posljedice.
- (2) Ako glavni kantonalni tužilac podnese zahtjev iz stava 1. ovog člana, odložiti će se, odnosno prekinut će se izvršenje odluke.
- (3) Odlaganje, odnosno prekidanje izvršenja odluke traje do donošenja odluke o pravnom sredstvu glavnog kantonalnog tužioca.
- (4) Odluka o odlaganju, odnosno o prekidanju izvršenja, prestaje da važi i ako glavni kantonalni tužilac u roku od 30 dana od dana prijema odluke ne upotrijebi pravno sredstvo.

Član 11. (Prava glavnog federalnog tužioca)

- (1) U okviru svojih ovlaštenja iz člana 9. Zakona o Tužilaštvu Federacije, glavni tužilac Federacije može Tužilaštvu izdati opće ili pojedinačne obavezne instrukcije, uputstva i provesti krivičnu istragu i gonjenje pred kantonalnim i općinskim sudovima, kad opravdano vjeruje da Tužilaštvo nije primijenilo

odredbe Krivičnog zakona Federacije ili da Tužilaštvo u svojoj nadležnosti ne može efikasno goniti osobe za koje smatra da su počinile krivično djelo.

- (2) Glavni tužilac Federacije može prenijeti određene predmete ili mjere koje spadaju u nadležnost Tužilaštva na drugo tužilaštvo.
- (3) Glavni tužilac Federacije može bez obzira na nadležnosti Tužilaštva, može povjeriti i pojedinačne predmete glavnom tužiocu, zamjeniku, odnosno zamjenicima glavnog tužioca, tužiocu Federacije, odnosno tužiocima ili tužiocu, odnosno tužiocima Tužilaštva.

Član 12.

(Obavljanje funkcije Tužilaštva)

- (1) Funkciju Tužilaštva obavlja glavni kantonalni tužilac (u daljem tekstu: glavni tužilac) i zamjenici glavnog kantonalnog tužioca (u daljem tekstu: zamjenici glavnog tužioca) i kantonalni tužioci (u daljem tekstu: tužioci).
- (2) Glavnog tužioca, zamjenike glavnog tužioca i tužioce bira i imenuje Visoko sudsko i tužilačko vijeće Bosne i Hercegovine (u daljem tekstu: Visoko sudsko i tužilačko vijeće).
- (3) Glavni tužilac ima najviše dva zamjenika.
- (4) Broj zamjenika glavnog tužioca i broj tužilaca određuje Visoko sudsko i tužilačko vijeće.
- (5) Ako glavni tužilac ima dva zamjenika, Visoko sudsko i tužilačko vijeće, imenuje jednog od dva zamjenika za prvog zamjenika glavnog tužioca.

Član 13.

(Prava i dužnosti glavnog tužioca)

- (1) Pravo i dužnost glavnog tužioca je da izda opće i pojedinačne instrukcije i uputstva zamjenicima glavnog tužioca i tužiocima u vezi s njihovim radom.
- (2) Pored toga glavni tužilac može:
 - a) poduzeti određene mjere iz nadležnosti zamjenika glavnog tužioca, odnosno tužilaca, ili tužioca, odnosno tužilaca;
 - b) ovlasti drugog zamjenika, odnosno zamjenike glavnog tužioca ili tužioca, odnosno tužioce da procesuiraju određene slučajeve iz nadležnosti drugog, odnosno drugih zamjenika glavnog tužioca ili tužioca, odnosno tužilaca; i
 - c) ovlastiti zamjenika glavnog tužioca, odnosno zamjenike ili tužioca, odnosno tužioce da vrše posebne aktivnosti koje su u nadležnosti drugog, odnosno drugih zamjenika glavnog tužioca ili drugog tužioca, odnosno tužilaca.

Član 14.

(Plan rada Tužilaštva)

- (1) Glavni tužilac rukovodi Tužilaštvom. Glavni tužilac izdaje opće i pojedinačne obavezujuće instrukcije i uputstva za rad tužilačkim i administrativnim odjelima Tužilaštva.

- (2) Na početku svake godine glavni tužilac, po prethodnom mišljenju Kolegija tužilaca, donosi Plan rada Tužilaštva sa preciziranim strateškim ciljevima i ciljanim rezultatima koje Tužilaštvo treba ostvariti u tekućoj godini.
- (3) Plan rada Tužilaštva iz stava (2) ovog člana usaglašen je sa strateškim okvirom i ciljevima za Tužilački sistem Federacije Bosne i Hercegovine Federalnog tužilaštva.
- (4) Izvještaj o realizaciji Plana rada Tužilaštvo priprema do kraja januara naredne godine i isti podnosi Federalnom tužilaštvu i Visokom sudskom i tužilačkom vijeću

Član 15.
(Instrukcije i uputstva)

- (1) U smislu ovog Zakona opće i pojedinačne obavezujuće instrukcije i uputstva znače instrukcije opće prirode vezane za rad i aktivnosti zamjenika glavnog tužioca i tužilaca, kao i pojedinačna uputstva za postupanje i poduzimanje mjera i radnji u konkretnim predmetima.
- (2) Glavni tužilac izdaje opće i pojedinačne obavezne instrukcije i uputstva u skladu sa Pravilnikom o unutrašnjoj organizaciji i poslovanju.

Član 16.
(Kolegij tužilaca)

Kantonalni kolegij tužilaca sastoji se od glavnog tužioca, zamjenika glavnog tužioca i tužilaca.

Član 17
(Upućivanje u drugo tužilaštvo)

- (1) Glavni tužilac, zamjenik glavnog tužioca i tužilac mogu biti privremeno upućeni u drugo kantonalno tužilaštvo ili Tužilaštvo Federacije, bez njihovog pristanka, na period do najviše šest mjeseci unutar vremenskog roka od 5 godina.
- (2) Glavni tužilac Federacije donosi odluku o privremenom premještanju i o tome obavještava Visoko sudsko i tužilačko vijeće.
- (3) Glavni tužilac, zamjenik glavnog tužioca, odnosno tužilac koji je dodijeljen drugom tužilaštvu ili Tužilaštvu Federacije ima pravo na plaću, naknade i druga zakonom utvrđena primanja.

Član 18.
(Oslobađanje od odgovornosti)

Glavni tužilac, zamjenici glavnog tužioca i tužioci ne mogu biti pozvani na krivičnu ili građansko-pravnu odgovornost ni za jedno djelo učinjeno tokom obavljanja svojih službenih dužnosti.

Član 19.
(Odgovornost za štetu)

- (1) Kanton odgovara za štetu koju glavni tužilac, zamjenici glavnog tužioca ili tužioci nanesu građaninu ili pravnom licu tokom obavljanja svojih dužnosti nepropisnim ili nezakonitim radom.
- (2) Kanton može zahtijevati da glavni tužilac, zamjenici glavnog tužioca ili tužioci izvrše naknadu plaćenog iznosa za štetu samo ukoliko je šteta prouzrokovana namjerno ili iz krajnje nepažnje.
- (3) Zahtjev za naknadu štete iz stava 2. ovog člana zastarijeva u roku od šest mjeseci od dana prvobitno isplaćene naknade.

Član 20.
(Mandat)

- (1) Mandat glavnog tužioca i zamjenika glavnog tužioca traje pet godina, nakon čega mogu biti ponovo imenovani. Mandat prestaje u slučaju ostavke, navršenja starosne dobi propisane za odlazak u penziju po sili zakona ili smjenjivanja s dužnosti iz utvrđenih razloga. Po isteku mandata, glavni tužilac i zamjenik glavnog tužioca nastavljaju obavljati dužnosti tužioca.
- (2) Funkcija tužilaca je stalna. Njihov mandat prestaje u slučaju ostavke, navršenja starosne dobi propisane za odlazak u penziju po sili zakona ili smjenjivanja s dužnosti iz utvrđenih razloga.

Član 21.
(Legitimacija i toga)

- (1) Glavni tužilac, zamjenici glavnog tužioca i tužioci imaju službenu legitimaciju iugu
- (2) Ministar pravosuđa i uprave Kantona (u daljem tekstu: Ministar) propisuje pravilnikom obrasce, izgled i način izdavanja službene legitimacije.
- (3) Za vrijeme dok učestvuju u postupku suđenja, a po potrebi i u svečanim prilikama po odluci glavnog tužioca, svi tužioci su obavezni da noseugu.
- (4) Visoko sudsko i tužilačko vijeće BiH propisuje korištenje i izgled tužilačke toge, koje Ministarstvo obezbjeđuje za potrebe rada tužilaca po pismenom zahtjevu Tužilaštva

DIO TREĆI - ORGANIZACIJA I RAD

Član 22.
(Organizacija)

- (1) Tužilaštvo se uspostavlja sa jurisdikcijom za cijelu teritoriju Kantona.
- (2) Na prijedlog glavnog tužioca i nakon što sasluša glavnog tužioca Federacije i Vladu Kantona, Visoko sudsko i tužilačko vijeće odlučuje o uspostavljanju ili prestanku rada područnih tužilaštava Tužilaštava u općinama Kantona.
- (3) Područna tužilaštva se mogu uspostaviti samo ukoliko postoji opravdana i neophodna potreba za takvim područnim tužilaštvom, kako bi se zagarantirala efikasnost provođenja krivičnog postupka.

- (4) Kantonalna tužilaštva i područna tužilaštva predstavljaju jedinstveno organizaciono tijelo.

Član 23.

(Postupanje pred sudovima kantona)

U ispunjavanju svoje funkcije Tužilaštvo učestvuje u postupcima pred Kantonalnim i općinskim sudovima Kantona.

Član 24.

(Zamjena glavnog tužioca i zamjenika glavnog tužioca)

- (1) Kada je glavni tužilac odsutan ili spriječen, mijenja ga (prvi) zamjenik glavnog tužioca, a zatim zamjenik glavnog tužioca, ukoliko je isti imenovan. U slučaju kada su glavni tužilac i njegov zamjenik, odnosno zamjenici odsutni ili spriječeni, tužilac koji ima najduže radno iskustvo vrši funkciju privremenog glavnog tužioca.
- (2) Ukoliko su glavni tužilac i njegovi zamjenici odsutni ili spriječeni duže od jednog mjeseca, glavni tužilac Federacije određuje vršioca dužnosti glavnog tužioca, za period ne duži od šest mjeseci. Po isteku ovog perioda glavni tužilac Federacije obavještava Visoko sudsko i tužilačko vijeće o upražnjenom mjestu u Tužilaštvu, koje potom može objaviti oglas za popunjavanje ovog radnog mjesta.

DIO ČETVRTI – IZVJEŠTAVANJE

Član 25.

(Izvještavanja u Tužilaštvu)

- (1) Rad Tužilaštva nadzire glavni tužilac Federacije s ciljem osiguravanja zakonitosti i efikasnosti postupaka.
- (2) Na zahtjev glavnog tužioca Federacije, glavni tužilac dostavlja izvještaje o pojedinim predmetima, s detaljnim opisom mjera koje poduzima Tužilaštvo.
- (3) Glavni tužilac redovno, a najmanje jednom u šest mjeseci, Tužilaštvu Federacije podnosi izvještaje o stanju kriminaliteta i rješavanju predmeta.

Član 26.

(Izvještavanje kantonalne skupštine i vlade)

- (1) Na kraju svake kalendarske godine, glavni tužilac priprema Godišnji izvještaj o radu Tužilaštva sa statističkim pregledom aktivnosti Tužilaštva koje se odnose na:

- a. broj prenesenih (neriješenih) prijava i istraga
 - b. broj primljenih predmeta tokom tekuće godine
 - c. riješene i neriješene prijave i istrage
 - d. broj podignutih optužnica
 - e. broj tužilačkih odluka o neprovođenju i obustavi istrage
 - f. broj i vrstu sudskih odluka
 - g. druge značajne statističke podatke o radu Tužilaštva u izvještajnoj godini u skladu sa uputstvom i aktima Visokog sudskog i tužilačkog vijeća
- (2) Na kraju svake kalendarske godine Glavni tužilac podnosi Skupštini Zeničko-dobojskog kantona i Vladi Zeničko-dobojskog kantona Godišnji izvještaj sa pregledom statističkih podataka u izvještajnoj godini. Glavni tužilac može u svojim zaključcima dati prijedloge da se izvrši reforma zakona.
 - (3) Glavni tužilac dostavlja glavnom federalnom tužiocu potrebne podatke za potrebe izrade Godišnjeg izvještaja i pripremu analiza i planova rada za sva tužilaštva Federacije.
 - (4) Jedan primjerak Godišnjeg izvještaja iz stava (2) ovog člana Tužilaštvo dostavlja Ministarstvu za pravosuđe i upravu Zeničko-dobojskog kantona (u daljnjem tekstu: Ministarstvo), koje analizira izvještaj i isti s prijedlogom zaključaka, dostavlja Skupštini putem Vlade Kantona.
 - (5) Godišnji izvještaj Tužilaštva Skupština razmatra na sjednici i prima na znanje.

Član 27.

(Obavještavanje javnosti)

- (1) Tužilaštvo može obavještavati javnost i odgovarajuće organe vlasti i organizacije, putem sredstava informisanja ili drugim putem o stanju kriminaliteta u Kantonu.
- (2) U okviru djelokruga rada utvrđenog zakonom i u skladu sa interesima postupka, Tužilaštvo može obavještavati javnost o pojedinim predmetima krivičnog gonjenja ukoliko su te informacije od interesa za javnost.
- (3) U postupku obavještavanja javnosti, Tužilaštvo se rukovodi interesima pravednosti, imajući na umu standarde navedene u članu 6. (1) Evropske konvencije o zaštiti ljudskih prava i osnovnih sloboda, kao i odredbe propisa o slobodi pristupa informacijama u Federaciji Bosne i Hercegovine.

Član 28.

(Praćenje stanja u praksi)

- (1) Tužilaštvo prati i analizira probleme u tužilačkoj praksi Kantona, koji su od važnosti za provođenje krivičnog zakonodavstva.
- (2) O pitanjima iz djelokruga Tužilaštva Federacije i Tužilaštva koja su od važnosti za provođenje Krivičnog zakona Federacije, glavni tužilac Federacije i glavni tužilac mogu zauzimati zajedničke stavove na sastancima koje saziva glavni tužilac Federacije na vlastitu inicijativu ili na prijedlog glavnog tužioca.

DIO PETI - UNUTRAŠNJA ORGANIZACIJA TUŽILAŠTVA

Član 29.

(Pravilnik o unutrašnjoj organizaciji i poslovanju)

- (1) Pravilnikom o unutrašnjoj organizaciji i poslovanju (u daljem tekstu: Pravilnik) se, inter alia, uređuje organizacija Tužilaštva, broj administrativno-tehničkog osoblja, te uvjeti za obavljanje tih poslova.
- (2) Pravilnik Tužilaštva donosi glavni tužilac, po odobrenju Kolegija tužilaca i Visokog sudskog i tužilačkog vijeća.
- (3) Glavni tužilac u okviru poslova rukovođenja Upravom Tužilaštva, u saradnji sa Sekretarom Tužilaštva, donosi potrebne pravilnike, procedure i uputstva, te druge interne propise i akte kojima se detaljnije regulišu poslovi uprave, kao i obaveze i zadaci državnih službenika i namještenika u Tužilaštvu

Član 30.

(Sekretar tužilaštva)

- (1) Tužilaštvo ima Sekretara Tužilaštva (dalje: sekretar) kojeg u skladu sa Zakonom o državnoj službi u Federaciji Bosne i Hercegovine postavlja glavni tužilac.
- (2) Sekretar obavlja poslove od značaja za unutrašnju organizaciju Tužilaštva i ostale poslove u skladu sa Zakonom o državnoj službi u Federaciji Bosne i Hercegovine, podzakonskim aktima, te pomaže glavnom tužiocu u rukovođenju Upravom Tužilaštva, pripremi Godišnjeg izvještaja, Plana rada Tužilaštva i izvještaja o njegovoj realizaciji.
- (3) Sekretar pomaže glavnom tužiocu u pripremi budžeta Tužilaštva.

Član 31.

(Evidencija)

- (1) Tužilaštvo vodi evidenciju o predmetima u Sistemu za automatsko upravljanje predmetima u tužilaštvima u skladu sa sa Priručnikom i uputstvima Visokog sudskog i tužilačkog vijeća .
- (2) Zaprimljene predmete Tužilaštvo registrira navodeći, između ostalog, slijedeće podatke, ukoliko su mu oni poznati:
 - a) ime i prezime osobe protiv koje je podnijeta krivična prijava;
 - b) državljanstvo osobe protiv koje podnijeta krivična prijava;
 - c) adresa osobe protiv koje je podnijeta krivična prijava;
 - d) datum kada je počinjeno krivično djelo;
 - e) pravni karakter krivičnog djela;
 - f) odgovarajuće odredbe Krivičnog zakona;
 - g) broj dosjea u Tužilaštvu;
 - h) dosje pod kojim je predmet zavela institucija za provedbu zakona;
 - i) datum uvođenja predmeta u evidenciju Tužilaštva.

Član 32.
(Pripravnici)

- (1) Državljanin Bosne i Hercegovine koji je diplomirani pravnik i koji ispunjava opće uvjete za zapošljavanje u organima vlasti može biti zaposlen kao pripravnik.
- (2) Pripravnici se zapošljavaju u Tužilaštvu i postepeno im se dodjeljuju sve vrste poslova kako bi stekli praktična iskustva u svim oblastima rada Tužilaštva.
- (3) Pripravnici se upošljavaju na određeno vrijeme na period od najviše dvije godine.
- (4) Tokom pripravničkog staža, pripravnici se upućuju na praktičan rad u općinske i kantonalni sud.
- (5) Dužina trajanja praktičnog rada pripravnika, uvjeti za stjecanje prava na polaganje pravosudnog ispita, te program i način polaganja pravosudnog ispita reguliraju se posebnim propisom.

Član 33.
(Propisi o stusnim pitanjima)

Posebnim propisima kojima se reguliraju funkcije, prava i dužnosti uposlenika u kantonalnim organima vlasti odnose se i na uposlenike u Tužilaštvu, osim ukoliko to nije drugačije utvrđeno ovim ili drugim zakonom.

DIO ŠESTI - FINANSIRANJE TUŽILAŠTVA

Član 34.
(Budžet)

- (1) Tužilaštvo ima svoj budžet koji je sastavni dio kantonalnog budžeta.
- (2) Prije početka budžetske godine glavni tužilac priprema prijedlog budžeta i isti dostavlja Ministarstvu, na dalju proceduru usklađivanja i usvajanja od strane Skupštine Kantona, te Visokom sudskom i tužilačkom vijeću, radi davanja mišljenja i podrške kod Vlade i Skupštine Kantona.
- (3) Glavni tužilac može da prisustvuje sjednicama Skupštine Kantona i njenih stručnih komisija kada se na sjednicama razgovara ili odlučuje o budžetskim pitanjima koja se odnose na Tužilaštvo.
- (4) Glavnom tužiocu u pripremi budžeta pomaže sekretar Tužilaštva
- (5) Na kraju svake budžetske godine glavni tužilac, putem Ministarstva, obavještava Skupštinu Kantona o realizaciji budžeta Tužilaštva.

Član 35.
(Plata tužioca)

Glavni tužilac, zamjenici glavnog tužioca i tužioci imaju pravo na platu i druge naknade definirane posebnim zakonom.

DIO SEDMI - PRIJELAZNE I ZAVRŠNE ODREDBE

Član 37.
(Prestanak važenja zakona)

Danom stupanja na snagu ovog zakona prestaje važiti Zakon o Tužilaštvu Zeničko-dobojskog kantona («Sužbene novine Zeničko-dobojskog kantona, br. 4/97 i 11/07)

Član 38.
(Stupanje na snagu zakona)

Zakon stupa na snagu osmog dana od dana objavljivanja u „Službenim novinama Zeničko-dobojskog kantona“.

PREDSJEDAVAJUĆI

Jasmin Duvnjak

Obrazloženje

Pravni osnov sadržan je u članu 37. stav 1. tačka f) Ustava Zeničko-dobojskog kantona.

Razlozi za donošenje:


U važećem Zakon o kantonalnom tužilaštvu / tužiteljstvu („Službene novine Zeničko-dobojskog kantona“ , broj 5/06 i 11/07) sadržano je niz odredbi, koje su zbog proteka vremena od kada je zakon donesen, zahtijevale izmjenu zbog nejasnoće, zastarjelih pravnih termina, npr:

- * nadležnost za gonjenje počinitelja privrednih prijestupa (član 1. Zakona o kantonalnom tužilaštvu Zeničko-dobojskog kantona («Službene novine Zeničko-dobojskog kantona», broj 5/03 i 11/07 – prethodni zakon) ,
- * u više članova se navodilo „provođenje Krivičnog zakona“ umjesto krivičnog zakonodavstva (član 10 ranijeg zakona) ,
- * odredba kojom je regulisano da tužitelj koji ima najduže radno iskustvo obavlja funkciju privremenog glavnog tužioca (član 25 ranijeg zakona) , kao i
- * druge slične odredbe koje je trebalo u potpunosti brisati, izmijeniti ili dopuniti u skladu sa važećim propisima, aktuelnim potrebama i praksom rada Kantonalnog tužilaštva Zeničko-dobojskog kantona, i važećom pravnom terminologijom.

(npr. budžetske” zamjenjuje se riječju “kalendarske”, riječi “izrađuje statistički pregled svojih aktivnosti” zamjenjene su riječima “priprema Godišnji izvještaj o radu Tužilaštva sa statističkim pregledom aktivnosti Tužilaštva.”, riječ forumima” (član 28. (2) ranijeg zakona , zamjenjene su riječima “sredstvima informisanja i komunikacije”

Član 45. Jedinstvenih pravila za izradu pravnih propisa /Službene novine Zeničko-dobojskog kantona“, broj: 5/08) propisuje, da se izmjene i dopune rade se u slučajevima kada propisi ne odgovaraju izmjenama u pravnom sistemu ili izmjenama u politici u određenoj oblasti ili ih treba prilagoditi stvarnim potrebama, sto je slučaj kod izrade ovog zakona., nadalje je propisano da se osnovni propis može biti izmijenjen u potpunosti, osim naziva propisa i datuma, a ako se više od polovine članova osnovnog propisa mijenja, odnosno dopunjuje, potrebno je pristupiti donošenju novog propisa. U slučaju izrade teksta ovog Zakona bilo je potrebno izmijeniti više od 50% članova te je shodno navedenom pristupljeno izradi novog teksta zakona.

Finansijska sredstva: Za provođenje ovog zakona nisu potrebna dodatna izdvajanja iz Budžeta.



OBRAZAC IZJAVA O FISKALNOJ PROCJENI

Obrazac IFP NE

A.1. Ohrativac nronisa		KOD		NAZIV	
16 RAZDJEI KOD 01		MINISTARSTVO ZA PRAVOSUDE I UPRAVUZENICKO-DOBOJSKOG KANTONA			
B.2. Osnovni nedaci o nriiedlonu nronisa		Zakon		Da	
Vreba propisa/akta		Uredba		NE	
Naziv propisa/akta		Nacrt Zakona o kantonahom (uziteljstvu ZDK		Strategija	
				Drugi akti planiranja	
				NE	
				NE	


C.3. Izjava o nepostojanju dodatnih fiskalnih efekata predlozenog propisa

Nacrt Zakona o Kantonahom (uziteljstvu nrona dodatan fiskalni učinak na Proraban ZDK

D.4. Pečat i potpis odgovornog lica

Mjesto i datum

28.6.2017





Bosna i Hercegovina
Federacija Bosne i Hercegovine
Kantonarno tužilaštvo
Zeničko-dobojskog kantona

Broj: A-VII-433 /16
Zenica, 23.09.2016. godine

**MINISTARSTVO ZA PRAVOSUDE I UPRAVU
ZENIČKO-DOBOJSKOG KANTONA**

**Predmet: Program rada Ministarstva za pravosuđe i upravu za 2017. godinu-
dopuna prijedloga, dostavlja se**

Poštovani,

Našim dopisom broj: A-VII-433/16 od 13.09.2016. godine, dostavili smo vam prijedloge za izradu Programa rada Ministarstva za pravosuđe i upravu Zeničko-dobojskog kantona za 2017. godinu, iz mjerodavnosti ovog Tužiteljstva.

Ovom prilikom ranije dostavljene prijedloge dopunjavamo i slijedećim:

Smatramo potrebnim da se u Program rada Ministarstva za pravosuđe i upravu Zeničko-dobojskog kantona za 2017. godinu svakako uvrste aktivnosti glede izmjena i dopuna važećeg Zakona o Kantonalnom tužiteljstvu/tužilaštvu Zeničko-dobojskog kantona (Službene novine Zeničko-dobojskog kantona broj: 5/03 i 11/07), koji sadrži niz zastarjelih, neprimjenljivih ili nejasnih odredaba, ali i zastarjelih pravnih termina kao što je npr. nadležnost za gonjenje počinitelja privrednih prijestupa, u više članova se navodi provođenje Krivičnog zakona, a ne krivičnog zakonodavstva, ili odredbe kojima se reguliše zamjena glavnog tužitelja za vrijeme njegove spriječenosti ili odsustva (da tužitelj koji ima najduže radno iskustvo obavlja funkciju privremenog glavnog tužitelja) i druge slične odredbe, koje bi trebalo u potpunosti brisati, izmijeniti ili dopuniti u skladu sa važećim propisima, aktuelnim potrebama i praksom rada ovog Tužiteljstva, kao i važećom pravnom terminologijom.

S poštovanjem,

GLAVNI TUŽITELJ

Vesna Kaknjo

Dostaviti:
1 x Naslov
1 x a/a



Broj: 07-02-9523/17
Zenica, 04.07.2017. godine

MINISTARSTVO ZA PRAVOSUĐE I UPRAVU

PREDMET: Mišljenje na Nacrt Zakona o kantonalnom tužilaštvu Zeničko-dobojskog kantona
- dostavlja se

Ministarstvo finansija je razmotrilo Nacrt Zakona o kantonalnom tužilaštvu Zeničko-dobojskog kantona, te u skladu sa članom 8. Pravilnika o proceduri izrade izjave o fiskalnoj procjeni zakona, drugih propisa i akata planiranja na budžet („Službene novine Federacije BiH“, broj: 34/16) i članom 31. stav (1) tačka c) Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 5/11), u pogledu finansijskih sredstava potrebnih za izvršenje ovog propisa, odnosno o fiskalnoj procjeni propisa, daje slijedeće

MIŠLJENJE

Članom 5. stav 2. Zakona o budžetima u Federaciji BiH („Službene novine FBiH“, broj: 102/13, 9/14, 13/14, 8/15, 91/15, 102/15 i 104/16), propisano je da „propisi koji imaju finansijske posljedice na budžet moraju biti obrazloženi, odnosno opravdani analizom troškova i koristi“.

U dostavljenom Obrazloženju Nacrta Zakona o kantonalnom tužilaštvu Zeničko-dobojskog kantona, navedeno je da „za realizaciju ovog zakona nisu potrebna dodatna izdvajanja iz Proračuna“.

U dostavljenoj Izjavi o fiskalnoj procjeni – obrazac IFP-NE od 28.06.2017. godine, navedeno je da „Nacrt Zakona o Kantonalnom tužilaštvu nema dodatan fiskalni učinak na Proračun ZDK“.

Imajući u vidu navedeno Obrazloženje Nacrta Zakona i dostavljenu Izjavu o fiskalnoj procjeni, Ministarstvo finansija nema primjedbi iz svoje nadležnosti.

S poštovanjem!

Dostavljeno:

1x Naslovu,
1x a/a.





Broj: 03-02-9523-1/17
Zenica, 10.07.2017. godine

2342

031/1

**MINISTARSTVO ZA PRAVOSUĐE I UPRAVU
ZENIČKO – DOBOJSKOG KANTONA**

PREDMET: Mišljenje o nacrtu Zakona o Kantonalnom tužilaštvu Zeničko-dobojskog kantona - dostavlja se

U skladu sa članom 2. Uredbe o Sekretarijatu za zakonodavstvo Vlade Zeničko-dobojskog kantona („Službene novine Federacije BiH“ broj 8/96 i broj: 2/05) i članom 31. stav 1. tačka a) Poslovnika o radu Vlade Zeničko-dobojskog kantona („Službene novine Zeničko-dobojskog kantona“ broj: 5/11), te na osnovu uvida u nacrt Zakona o Kantonalnom tužilaštvu Zeničko-dobojskog kantona, a u postupku utvrđivanja usklađenosti istog sa Ustavom, pravnim sistemom i metodološkim jedinstvom u izradi propisa dostavljamo vam sljedeće

MIŠLJENJE

Nacrt Zakona o Kantonalnom tužilaštvu Zeničko-dobojskog kantona izvršavanju Budžeta Zeničko-dobojskog kantona za 2017. godinu je, urađen u skladu sa Ustavom, pravnim sistemom i Jedinostvenim pravilima za izradu pravnih propisa u Zeničko-dobojskom kantonu („Službene novine Zeničko-dobojskog kantona“ broj 5/08).

Shodno naprijed navedenom, stekli su se uvjeti za davanje mišljenja shodno članu 31. stav (1) tačka a). Poslovnika o radu Vlade Zeničko-dobojskog kantona („Službene novine Zeničko – dobojskog kantona“ broj: 5/11) i upućivanje nacrtu Zakona u dalju proceduru.

Dostavljeno:
1x Naslovu,
1 x a/a



5/03

18. maj 2003. 11/04.

V



SLUŽBENE NOVINE

ZENIČKO DOBOJSKOG KANTONA

Godina VIII - Broj 5

ZENICA, Ponedjeljak, 14. 4. 2003. g.

95.

Na osnovu poglavlja V, odjeljka A, člana 37. stav 1. tačka b) Ustava Zeničko-dobojskog kantona («Službene novine Federacije Bosne i Hercegovine», broj 7/96 i «Službene novine Zeničko-dobojskog kantona», broj 1/96 i 10/00), Skupština Zeničko-dobojskog kantona, na III. sjednici, održanoj 25.02.2003. godine, donosi

ZAKON O KANTONALNOM TUŽILAŠTVU ZENIČKO -DOBOJSKOG KANTONA

I. OPĆE ODREDBE

Član 1.

Kantonalno tužilaštvo (u daljem tekstu: Tužilaštvo) je samostalno državno tijelo koje, u okviru prava Zeničko-dobojskog kantona (u daljem tekstu: Kanton), poduzima zakonom određene mjere u pogledu istražnih radnji i gonjenja osoba za koje se sumnja da su počinile krivična djela i privredne prijestupe, te više druge poslove određene federalnim i kantonalnim zakonom.

Član 2.

Tužilaštvo vrši svoju funkciju u skladu sa Ustavom Bosne i Hercegovine, Ustavom Federacije Bosne i Hercegovine i Ustavom Kantona, te na osnovu zakona Bosne i Hercegovine, Federacije i Kantona.

Član 3.

U okviru svojih nadležnosti, tužilaštvo štiti ostvarivanje ljudskih prava i građanskih sloboda koje garantira Ustav Bosne i Hercegovine, Ustav Federacije Bosne i Hercegovine i Ustav Kantona, kao i ostvarivanje prava i interesa pravnih osoba utvrđenih zakonom te osigurava ustavnost i zakonitost.

Član 4.

Tužilaštvo se osniva i ukida zakonom.

Član 5.

(1) Funkciju Tužilaštva obavlja glavni kantonalni tužilac (u daljem tekstu: glavni tužilac) i zamjenici glavnog kantonalnog tužioca (u daljem tekstu: zamjenici glavnog tužioca)

ca) i kantonalni tužioci (u daljem tekstu: tužioci).

(2) Glavnog tužioca, zamjenike glavnog tužioca i tužioce bira i imenuje Visoko sudske i tužilačko vijeće Federacije Bosne i Hercegovine (u daljem tekstu: Visoko sudske i tužilačko vijeće).

(3) Glavni tužilac ima najviše dva zamjenika. Broj zamjenika glavnog tužioca i broj tužilaca određuje Visoko sudske i tužilačko vijeće.

(4) Ako glavni tužilac ima dva zamjenika, Visoko sudske i tužilačko vijeće, na prijedlog glavnog tužioca, imenuje jednog od dva zamjenika za prvog zamjenika glavnog tužioca.

Član 6.

(1) Tužilaštvo predstavlja i vodi glavni tužilac.

(2) Zamjenici glavnog tužioca i tužioci obavljaju zadatke koje im povjerava glavni tužilac i za izvršavanje tih zadataka odgovaraju glavnom tužiocu.

(3) Zamjenici glavnog tužioca i tužioci mogu poduzimati sve mjete u postupku pred sudom ili organom vlasti, za čije poduzimanje glavni tužilac ima zakonsko ovlaštenje.

Član 7.

(1) Mandat glavnog tužioca i zamjenika glavnog tužioca traje šest godina, nakon čega mogu biti ponovo imenovani. Mandat prestaje u slučaju ostavke, navršanja starosne dobi propisane za odlazak u penziju po sili zakona ili smjenjivanja s dužnosti iz utvrđenih razloga. Po isteku mandata, glavni tužilac i zamjenik glavnog tužioca nastavljaju obavljati dužnosti tužioca.

(2) Funkcija tužilaca je stalna. Njihov mandat prestaje u slučaju ostavke, navršanja starosne dobi propisane za odlazak u penziju po sili zakona ili smjenjivanja s dužnosti iz utvrđenih razloga.

Član 8.

Kantonalni kolegij tužilaca sastoji se od glavnog tužioca, zamjenika glavnog tužioca i tužilaca.

Član 9.

(1) Rad Tužilaštva nadzire glavni tužilac Federacije s ciljem osiguravanja zakonitosti i efikasnosti postupaka. Na zahtjev glavnog tužioca Federacije, glavni tužilac dostavlja izvještaje o pojedinim slučajevima, s detaljnim opisom mjera koje poduzima Tužilaštvo.

(2) Glavni tužilac redovno, a najmanje jednom u šest mjeseci, Tužilaštvu Federacije podnosi izvještaje o stanju kriminaliteta i rješavanju slučajeva.

Član 10.

Tužilaštvo ima pravo i dužnost, u okviru ostvarivanja svojih funkcija, na vlastitu inicijativu ili na zahtjev, oba-

vještavati Skupštinu Kantona, Vlada Kantona ili predjednika, odnosno potpredsjednika Kantona o provođenju Krivičnog zakona u Kantonu i radu Tužilaštva.

Član 11.

(1) Tužilaštvo može obavještavati javnost i odgovarajuće organe vlasti i organizacije, putem sredstava informisanja ili drugim putem, o stanju kriminaliteta u Kantonu.

(2) U okviru djelokruga rada utvrđenog zakonom i u skladu sa interesima postupka, Tužilaštvo može obavještavati javnost o pojedinim slučajevima krivičnog gonjenja ukoliko su te informacije od interesa za javnost. Prilikom obavještavanja javnosti, Tužilaštvo se rukovodi interesima pravednosti, imajući na umu standarde navedene u članu 6.(1) Evropske konvencije o zaštiti ljudskih prava i osnovnih sloboda.

Član 12.

(1) Tužilaštvo prati i analizira probleme u tužilačkoj praksi Kantona, koji su od važnosti za provođenje Krivičnog zakona.

(2) O pitanjima iz djelokruga Tužilaštva Federacije i Tužilaštva koja su od važnosti za provođenje Krivičnog zakona Federacije, glavni tužilac Federacije i glavni tužilac mogu zauzimati zajedničke stavove na sastancima koje saziva glavni tužilac Federacije na vlastitu inicijativu ili na prijedlog glavnog tužioca.

Član 13.

(1) U Tužilaštvu u ravnopravnoj upotrebi su bosanski, hrvatski i srpski jezik.

(2) Tužilaštvo može koristiti i ostale jezike kao sredstvo komunikacije.

(3) U Tužilaštvu u ravnopravnoj upotrebi su latinično i cirilično pismo.

Član 14.

(1) Kantonalni propisi o radnom odnosu radnika u organima uprave shodno se primjenjuju i na zapošljavanje radnika u Tužilaštvu, ako ovim zakonom nije drugačije određeno.

(2) Kantonalni propisi o državnoj upravi koji se odnose na rukovođenje i odgovornost funkcionera i njegovog zamjenika shodno se primjenjuju i na glavnog tužioca, njegovog zamjenika, odnosno zamjenike, te tužioca, ako ovim zakonom nije drugačije određeno.

Član 15.

(1) Tužilaštvo ima pečat u skladu sa Zakonom o pečatu Kantona.

(2) Na zgradi u kojoj je smješteno tužilaštvo mora biti istaknut naziv tužilaštva i grb Federacije Bosne i Hercegovine i Kantona.

II. OPĆE NADLEŽNOSTI I OVLAŠTENJA

Član 16.

Tužilaštvo vodi istragu i goni osobe za koje sumnja da su počinili krivičnih djela i privrednih prijestupa i vrši druge poslove određene zakonom.

Član 17.

(1) Kad nađe da zbog povrede kantonalnog zakona ili međunarodnog ugovora postoje osnovani razlozi da upotr-

jebi pravno sredstvo protiv izvršne sudske odluke ili odluke donesene u upravnom ili drugom postupku, glavni tužilac može zahtijevati da se odloži, odnosno prekipe izvršenje takve odluke, ako bi njenim izvršenjem mogle nastupiti neotklonjive štetne posljedice.

(2) Ako glavni tužilac podnese zahtjev iz stava 1. ovog člana, odložit će se, odnosno prekinut će se izvršenje odluke. Odlaganje, odnosno prekidanje izvršenja odluke traje do donošenja odluke o pravnom sredstvu glavnog tužioca.

(3) Odluka o odlaganju, odnosno o prekidanju izvršenja, prestaje da važi i ako glavni tužilac u roku od 30 dana od dana prijema odluke ne upotrijebi pravno sredstvo.

Član 18.

(1) U okviru svojih ovlaštenja iz člana 9. Zakona o Tužilaštvu Federacije, glavni tužilac Federacije može Tužilaštvu izdati opće ili pojedinačne obavezne instrukcije i prevesti krivičnu istragu i gonjenje pred kantonalnim i općinskim sudovima, kad glavni tužilac Federacije opravdano vjeruje da Tužilaštvo nije primijenilo odredbe Krivičnog zakona Federacije ili da Tužilaštvo u svojoj nadležnosti ne može efikasno goniti osobe za koje smatra da su počinile krivično djelo.

(2) Glavni tužilac Federacije može prenijeti određene predmete ili mjere koje spadaju u nadležnost Tužilaštva na drugo tužilaštvo. Bez obzira na nadležnosti tužilaštva, glavni tužilac Federacije može povjeriti i pojedinačne predmete glavnim tužiocima, zamjeniku, odnosno zamjenicima glavnog tužioca, tužiocu Federacije, odnosno tužiocima ili tužiocu, odnosno tužiocima tužilaštva.

Član 19.

(1) Glavni tužilac, odnosno zamjenik glavnog tužioca ili tužilac mogu se privremeno dodijeliti drugom tužilaštvu ili Tužilaštvu Federacije bez njegovog pristanka na period od najviše šest mjeseci u roku od pet godina.

(2) Glavni tužilac Federacije donosi odluku o privremenom premještanju i o tome obavještava Visko sudske i tužilačko vijeće.

(3) Glavni tužilac, zamjenik glavnog tužioca, odnosno tužilac koji je dodijeljen drugom tužilaštvu ili Tužilaštvu Federacije ima pravo na plaću, nadoknade i druga zakonima utvrđena primanja.

Član 20.

Pravo i dužnost glavnog tužioca je da izda obavezne instrukcije zamjenicima glavnog tužioca i tužiocima u vezi s njihovim radom. Pored toga, glavni tužilac može: a. poduzeti određene mjere iz nadležnosti zamjenika glavnog tužioca, odnosno tužilaca, ili tužioca, odnosno tužilaca; b. ovlasti drugog zamjenika, odnosno zamjenike glavnog tužioca ili tužioca, odnosno tužioce da procesuiraju određene slučajeve iz nadležnosti drugog, odnosno drugih zamjenika glavnog tužioca ili tužioca, odnosno tužilaca; i c. ovlastiti zamjenika glavnog tužioca, odnosno zamjenike ili tužioca, odnosno tužioce da vrše posebne aktivnosti koje su u nadležnosti drugog, odnosno drugih zamjenika glavnog tužioca ili drugog tužioca, odnosno tužilaca.

Član 21.

(1) U smislu ovog Zakona, obavezne radne instrukcije

znače instrukcije opće prirode vezane za rad i aktivnosti zamjenika glavnog tužioca i tužilaca, kao i instrukcije za poduzimanje mjera u određenim slučajevima.

(2) Glavni tužilac izdaje obavezne radne instrukcije opće prirode u skladu sa Pravilnikom.

III. ORGANIZACIJA I RAD

Član 22.

Tužilaštvo se uspostavlja sa jurisdikcijom za cijelu teritoriju Kantona.

Na prijedlog glavnog tužioca i nakon što saslula glavnog tužioca Federacije i Vladu Kantona, Visoko sudske i tužilačko vijeće odlučuje o uspostavljanju ili prestanku rada područnih tužilaštava. Tužilaštva u općinama Kantona. Područna tužilaštva se mogu otvoriti samo ukoliko postoji hitna i neophodna potreba za takvim područnim tužilaštvom.

Kantonalska tužilaštva i područna tužilaštva predstavljaju jedinstveno organizaciono tijelo. Područna tužilaštva se uspostavljaju kako bi se zagarantirala efikasnost predmetnog postupka.

Član 23.

U ispunjavanju svoje funkcije Tužilaštvo učestvuje u postupcima pred Kantonalnim i općinskim sudovima Kantona.

Član 24.

Sjedište Tužilaštva se nalazi u Zenici.

Član 25.

Kada je glavni tužilac odsutan ili spriječen, mijenja ga (prvi) zamjenik glavnog tužioca, a zatim zamjenik glavnog tužioca, ukoliko je isti imenovan. U slučaju kada su glavni tužilac i njegov zamjenik, odnosno zamjenici odsutni ili spriječeni, tužilac koji ima najduže radno iskustvo vrši funkciju privremenog glavnog tužioca. Ukoliko su glavni tužilac i njegovi zamjenici odsutni ili spriječeni duže od jednog mjeseca, glavni tužilac Federacije određuje vršioca dužnosti glavnog tužioca, za period ne duži od šest mjeseci. Po isteku ovog perioda glavni tužilac Federacije obavještava Visoko sudske i tužilačko vijeće o upražnjenom mjestu u Tužilaštvu, koje potom može objaviti oglas za popunjavanje ovog radnog mjesta.

Član 26.

Glavni tužilac, zamjenici glavnog tužioca i tužioci ne mogu biti pozvani na krivično ili građansko-pravnu odgovornost ni za jedno djelo učinjeno tokom obavljanja svojih službenih dužnosti.

Član 27.

(1) Kanton odgovara za štetu koju glavni tužilac, zamjenici glavnog tužioca ili tužioci nanese građaninu ili pravnom licu tokom obavljanja svojih dužnosti nepropisnim ili nezakonitim radom.

(2) Kanton može zahtijevati da glavni tužilac, zamjenici glavnog tužioca ili tužioci izvrše naknadu plaćenog iznosa

za štetu samo ukoliko je šteta prouzrokovana namjerno ili iz krajaje nepažnje.

(3) Zahtjev za naknadu štete iz stava 2. ovog člana zastarijeva u roku od šest mjeseci od dana prvobitno isplaćene naknade.

Član 28.

(1) Na kraju svake budžetske godine, glavni tužilac izrađuje statistički pregled svojih aktivnosti koje se odnose na:

(a) neriješene i okončane predmete (opis krivičnog djela, datum kada je isto počinjeno, ime, prezime i datum rođenja navodnog počinioca, datum podnošenja);

(b) broj primljenih predmeta tokom tekuće godine (vidi tačku a);

(c) datum i vrstu konačne ili privremene odluke o tekućim predmetima u Tužilaštvu;

(d) datum i vrstu konačne ili privremene odluke o predmetima gdje je prihvaćena optužnica od strane suda ili gdje je donesena sudska presuda.

(2) Na kraju svake budžetske godine, na osnovu statističkog pregleda, glavni tužilac podnosi izvještaj Kantonalnoj skupštini. Glavni tužilac daje detaljan izvještaj o stanju kriminala u Kantonu i tokovima kriminala. Glavni tužilac može u svojim zaključcima dati prijedloge da se izvrši reforma zakona. Prethodno pomenuti zaključci se objavljuju u medijima i drugim odgovarajućim forumima.

(3) Glavni tužilac dostavlja glavnom tužiocu Federacije potrebne podatke u svrhe pomenute u članu 28. stav 2. Zakona o Tužilaštvu Federacije.

IV. UNUTRAŠNJA ORGANIZACIJA TUŽILAŠTVA

Član 29.

Postoji Pravilnik Tužilaštva, kojim se, inter alia, uređuje organizacija Tužilaštva, broj administrativno-tehničkog osoblja, te uvjeti za obavljanje tih poslova.

Pravilnik Tužilaštva donosi glavni tužilac, po odobrenju Kolegija tužilaca i Visokog sudačkog i tužilačkog vijeća.

Član 30.

(1) Glavni tužilac rukovodi Tužilaštvom. Glavni tužilac izdaje opće instrukcije tužilačkim i administrativnim odjelima Tužilaštva u skladu sa Pravilnikom.

(2) Na početku svake godine glavni tužilac donosi opći plan za distribuciju predmeta, te za administrativna pitanja. U vezi sa distribucijom predmeta, opći plan mora odrediti objektivne kriterije prema kojim će se predmeti distribuirati. Opći plan se može izmijeniti i dopuniti tokom godine ukoliko to bude potrebno zbog promjene u broju primljenih predmeta ili sličnih administrativnih pitanja ili drugih nepredviđenih okolnosti.

Član 31.

MIJENJA SE

(1) Tužilaštvo ima arhivara kojeg imenuje Kolegij tužilaca. Tužilaštvo ima i drugo osoblje nadležno za stručne, administrativne i tehničke poslove.

(2) Arhivar pomaže glavnom tužiocu u obavljanju admi-

nistrativnih poslova i izradi administrativnog dijela plana u skladu s članom 30. stav 2. ovog Zakona.

(3) Poslove arhivara može obavljati osoba koja je diplomirani pravnik i ima najmanje 2 godine odgovarajućeg iskustva iz oblasti prava.

(4) Arhivar pomaže glavnom tužiocu u pripremi i izvršavanju budžeta Tužilaštva.

Član 32.

(1) Tužilaštvo vodi evidenciju o predmetima. Kada Tužilaštvo zaprimi predmet, registrira ga navodeći, između ostalog, sljedeće podatke, ukoliko su mu oni poznati:

- ime i prezime osobe protiv koje je podnijeta krivična prijava;
- državljanstvo osobe protiv koje je podnijeta krivična prijava;
- adresa osobe protiv koje je podnijeta krivična prijava;
- datum kada je počinjeno krivično djelo;
- pravni karakter krivičnog djela;
- odgovarajuće odredbe Krivičnog zakona;
- broj dosjea u Tužilaštvu; - dosje pod kojim je predmet zavela institucija za provedbu zakona;
- datum uvođenja predmeta u evidenciju Tužilaštva.

(2) Glavni tužilac donosi detaljnije propise o upravi u okviru Pravilnika, izrađenog u saradnji s arhivarom, ukoliko ti propisi nisu donešeni u okviru općih uputstava i plana distribucije.

sekretarom

Član 33.

(1) Državljanin Bosne i Hercegovine koji je diplomirani pravnik i koji ispunjava opće uvjete za zapošljavanje u organima vlasti može biti zaposlen kao pripravnik.

(2) Pripravnici se zapošljavaju u Tužilaštvu i postepeno im se dodjeljuju sve vrste poslova kako bi stekli praktična iskustva u svim oblastima rada Tužilaštva.

(3) Pripravnici se upošljavaju na određeno vrijeme na period od najviše dvije godine.

(4) Tokom dijela njihovog pripravničkog staža, pripravnici se upućuju na praktičan rad u općinske i kantonalne sudove.

(5) Dužina trajanja praktičnog rada pripravnika, uvjeti za stjecanje prava na polaganje pravosudnog ispita, te program i način polaganja pravosudnog ispita reguliraju se posebnim propisom.

Član 34.

Odredbe o posebnim propisima kojima se reguliraju funkcije, prava i dužnosti uposlenika u kantonalnim organima vlasti odnose se i na uposlenike u Tužilaštvu, osim ukoliko to nije drugačije utvrđeno ovim ili drugim Zakonom.

V. FINANSIRANJE TUŽILAŠTVA

Član 35.

(1) Tužilaštvo ima svoj budžet koji je sastavni dio kantonalnog budžeta. Prije početka budžetske godine glavni tužilac prezentira prijedlog budžeta Visokom sudskom i tužilačkom vijeću. Glavni tužilac ima pravo da brani prije-

dlog Visokog sudskog i tužilačkog vijeća i da prisustvi sjednicama kantonalne Skupštine i njenih odgovarajućih komisija svaki put kada se na sjednicama razgovara odlučuje o budžetskim pitanjima koja se odnose Tužilaštvo.

(2) Glavni tužilac je, uz pomoć arhivara, nadležan za pripremanje i izvršenje budžeta. (3) Na kraju svake budžetske godine glavni tužilac obavještava Kantonalnu skupštinu izvršenju budžeta Tužilaštva.

VI. PRIJELAZNE I ZAVRŠNE ODREDBE

Član 36.

1. Tužilaštvo se u skladu sa ovim Zakonom, uspostavlja u dan koji odredi Visoko sudsko i tužilačko vijeće. Visoko sudsko i tužilačko vijeće objavljuje ovu odluku u «Službenim novinama Zeničko-dobojskog kantona». 2. Na dan iz stava 1. ovo, člana svi zakoni i propisi koji se odnose na tužilačke funkcije na općinskom nivou smatraće se tužilačkim funkcijama na kantonalnom nivou. Ukidaju se sve odredbe zakona Federacije i njenih kantona koje su u suprotnosti s ovim Zakonom.

3. Postojeći Zakon o Tužilaštvu Zeničko-dobojskog kantona («Službene novine Zeničko-dobojskog kantona, br 4/97) stavlja se van snage na dan iz stava 1. ovog člana.

Član 37.

(1) Do donošenja propisa o internim aktivnostima Tužilaštva u skladu sa ovim Zakonom, primjenjuju se postojeći propisi o internim aktivnostima Tužilaštva, ukoliko ti propisi nisu u suprotnosti s ovim Zakonom.

Član 38.

Glavni tužilac, zamjenici glavnog tužioca i tužioci imaju pravo na platu i druge naknade definirane zakonom.

Član 39.

(1) Postojeće kantonalno Tužilaštvo i općinska Tužilaštva Zeničko-dobojskog kantona izvršit će prijenos imovine, predmeta iz njihove nadležnosti i arhiva na novo Tužilaštvo na dan uspostave novog Tužilaštva u skladu sa članom 36, stav 1. ovog Zakona.

(2) Prijenos imovine, predmeta i arhiva iz stava 1. ovog člana izvršit će postojeći kantonalni i općinski tužioci, koji će sačiniti službenu zabilješku o gore navedenom prijenosu.

(3) Kopija službene zabilješke dostavlja se kantonalnom Ministarstvu pravde i novouspostavljenom Tužilaštvu.

Član 40.

Ovaj Zakon o Kantonalnom tužilaštvu stupa na snagu osam dana od dana objavljivanja u «Službenim novinama Zeničko-dobojskog kantona».

Broj: 03-02-3816/03
25.02.2003.godine
Zenica

PREDSJEDAVAJUĆI

Husejin Smajlović, s.r.

5/03

ISSN 1512-7559



SKUPŠTINA

116.

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona, na 7. sjednici, održanoj 06.06.2007. godine, d o n o s i

ZAKON

O IZMJENAMA ZAKONA O KANTONALNOM TUŽILAŠTVU ZENIČKO-DOBOJSKOG KANTONA

Član 1.

U članu 10. Zakona o Kantonalnom tužilaštvu Zeničko-dobojskog kantona („Službene novine Zeničko-dobojskog kantona“, broj: 5/03) riječi „predsjednika, odnosno potpredsjednika“ zamjenjuju se riječju „premijera“.

Član 2.

Član 14. mijenja se i glasi:

(1) „Propisi o radnim odnosima državnih službenika i namještenika shodno se primjenjuju i na državne službenike i namještenike u Tužilaštvu.

(2) Propisi o organizaciji organa uprave koji se odnose na rukovođenje i odgovornost rukovodilaca organa uprave, shodno se primjenjuju na glavnog tužioca, njegove zamjenike i tužioce, ako posebnim zakonom nije drugačije propisano“.

Član 3.

Član 31. mijenja se i glasi:

(1) „Tužilaštvo ima sekretara kojeg u skladu sa Zakonom o državnoj službi u Federaciji Bosne i Hercegovine („Službene novine Federacije Bosne i Hercegovine“, broj: 29/03, 23/04, 39/04, 54/04, 67/05 i 8/06) postavlja glavni tužilac.

(2) Sekretar obavlja poslove od značaja za unutrašnju organizaciju Tužilaštva i ostale poslove u skladu sa Zakonom o državnoj službi u Federaciji Bosne i Hercegovine i

podzakonskim aktima, te pomaže glavnom tužiocu u obavljanju poslova iz člana 30. stav 2. ovog Zakona.

(3) Sekretar Tužilaštva pomaže glavnom tužiocu u pripremi i izvršavanju budžeta Tužilaštva“.

Član 4.

U članu 32. stav 2. riječ „arhivarom“ zamjenjuje se riječju „sekretarom“.

Član 5.

U članu 35. stav 2. riječ „arhivara“ zamjenjuje se riječju „sekretara“.

Član 6.

Zakon stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj: 01-02-13619/07

PREDSJEDAVAJUĆI

Datum, 07.06.2007. godine
Zenica

Sejad Zaimović, s.r.

117.

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona, na 7. sjednici održanoj 06.06.2007. godine, d o n o s i:

ZAKON O IZMJENAMA ZAKONA O JAVNOM REDU I MIRU

Član 1.

U Zakonu o javnom redu i miru („Službene novine Zeničko-dobojskog kantona“, broj: 8/00 i 15/03), u članu 6. stav 1. u tački 1. riječi «ili kaznom zatvora do 60 dana» se brišu, u tački 2. riječi «ili kaznom zatvora do 30 dana» se brišu.

Stav 2. se briše.